

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“ broj 7/10) i članova 69., 70. i 71. Pravilnika o knjigovodstvu budžeta u Federaciji Bosne i Hercegovine ("Službene novine Federacije Bosne i Hercegovine", broj 1/11), Vlada Zeničko-dobojskog kantona, na prijedlog Ministarstva finansija, na 92. sjednici, održanoj 07.12.2012. godine, d o n o s i

**ODLUKU**  
**o redovnom godišnjem popisu imovine, obaveza i potraživanja**  
**Zeničko-dobojskog kantona na dan 31.12.2012. godine**

**Član 1.**

Sa stanjem na dan 31.12.2012. godine obaviti će se redovni godišnji popis:

- a) Stalnih sredstava u obliku stvari, prava i razgraničenja,
- b) Novčanih sredstava, donatorskih sredstava, plemenitih metala i vrijednosnih papira,
- c) Potraživanja i plasmana, kratkoročnih i dugoročnih obaveza, razgraničenja i kapitala,
- d) Zaliha materijala, robe i sitnog inventara.

**Član 2.**

Organizacijom popisa rukovodi Centralna popisna komisija Zeničko-dobojskog kantona.

**Član 3.**

Za provođenje popisa imenuju se, pored Centralne popisne komisije Zeničko-dobojskog kantona i slijedeće popisne komisije:

- a) Centralna popisna komisija Ministarstva unutrašnjih poslova,
- b) Centralna popisna komisija Ministarstva za pravosuđe i upravu,
- c) Centralna popisna komisija Ministarstva za obrazovanje, nauku, kulturu i sport,
- d) Centralna popisna komisija kantonalnih ministarstava, uprava i službi,
- e) Komisija za popis novčanih sredstava, donatorskih sredstava, plemenitih metala i vrijednosnih papira, potraživanja i plasmana, kratkoročnih i dugoročnih obaveza, razgraničenja i kapitala Zeničko-dobojskog kantona,
- f) Komisija za popis roba u skladištima Zeničko-dobojskog kantona,
- g) Komisije za popis stalnih sredstava u obliku stvari, prava i razgraničenja i zaliha materijala, robe i sitnog inventara kod kantonalnih ministarstava, uprava i službi,
- h) Komisije za popis stalnih sredstava u obliku stvari, prava i razgraničenja, zaliha materijala, robe i sitnog inventara kod budžetskih korisnika Ministarstva za pravosuđe i upravu i Ministarstva za obrazovanje, nauku, kulturu i sport.

**Član 4.**

(1) Centralna popisna komisija Zeničko-dobojskog kantona koordinira rad popisnih komisija pod rednim brojem a), b), c), d), e) i f) iz člana 3. ove odluke, komisijama pod rednim brojem g) koordinira Centralna popisna komisija kantonalnih ministarstava, uprava i službi, a komisijama za popis pod rednim brojem h) koordiniraju Centralna popisna komisija Ministarstva za pravosuđe i upravu i Centralna popisna komisija Ministarstva za obrazovanje, nauku, kulturu i sport.

(2) Centralne popisne komisije iz stava (1) ovog člana provjeravaju da li su sačinjeni planovi rada sa rokovima za obavljanje pojedinih faza popisa, te poduzimaju potrebne mjere da se popis završi u roku i kvalitetno.

(3) Po završenom popisu centralne popisne komisije preuzimaju izvještaje, popisne liste i druge priloge od popisnih komisija budžetskih korisnika, prilikom preuzimanja sa rukovodiocima budžetskih korisnika i predsjednicima pojedinačnih popisnih komisija vrše provjeru da li je izvršeno usklađivanje stvarnog stanja sa knjigovodstvenim i donosene odgovarajuće odluke i tek nakon toga sačinjavaju Izvještaj o popisu sa rekapitulacijom i dostavljaju ga Centralnoj popisnoj komisiji Zeničko-dobojskog kantona, koja sačinjava Elaborat o popisu i dostavlja Vladi Zeničko-dobojskog kantona na usvajanje.

### **Član 5.**

Konkretni zadaci komisija iz člana 3. ove odluke sa rokovima početka i završetka popisa određiće se rješenjima o imenovanju komisija koje donosi Vlada Kantona.

### **Član 6.**

(1) Predsjednicima i članovima popisnih komisija za obavljene poslove popisa na dan 31.12.2012. godine, isplatiće se neto naknada u iznosima kako slijedi:

- a) Predsjedniku i članovima Centralne popisne komisije Zeničko-dobojskog kantona, i to predsjednik 350,00 KM i članovima po 250,00 KM.
- b) Predsjednicima i članovima Centralne popisne komisije MUP-a, Centralne popisne komisije Ministarstva za pravosuđe i upravu, Centralne popisne komisije Ministarstva za obrazovanje, nauku, kulturu i sport, Centralne popisne komisije ministarstava, uprava i službi, Komisija za popis novčanih sredstava, donatorskih sredstava, plemenitih metala i vrijednosnih papira, potraživanja i plasmana, kratkoročnih i dugoročnih obaveza, ragrađenja i kapitala Zeničko-dobojskog kantona i to predsjednicima po 300,00 KM i članovima po 200 KM.
- c) Predsjedniku i članovima Komisije za popis roba u skladištima Zeničko-dobojskog kantona i to predsjedniku 250,00 KM i članovima po 200,00 KM.

(2) Naknade za rad popisnih komisija teretit će slijedeće pozicije budžeta:

- a) razdjel 15, budžetska organizacija 01, potrošačka jedinica 0001, ekonomski kod 613900 – Ugovorene i druge posebne usluge, za Centralnu popisnu komisiju Ministarstva unutrašnjih poslova,
- b) razdjel 16, budžetska organizacija 01, potrošačka jedinica 0001, ekonomski kod 613900 – Ugovorene i druge posebne usluge, za Centralnu popisnu komisiju Ministarstva za pravosuđe i upravu,
- c) razdjel 22, budžetska organizacija 01, potrošačka jedinica 0001, ekonomski kod 613900 – Ugovorene i druge posebne usluge, za Centralnu popisnu komisiju Ministarstva za obrazovanje, nauku, kulturu i sport,
- d) razdjel 12, budžetska organizacija 01, potrošačka jedinica 0001, ekonomski kod 613900 – Ugovorene i druge posebne usluge, za Centralnu popisnu komisiju Zeničko-dobojskog kantona, Centralnu popisnu komisiju ministarstava, uprava i službi, Komisiju za popis novčanih sredstava, donatorskih sredstava, plemenitih metala i vrijednosnih papira, potraživanja i plasmana, kratkoročnih i dugoročnih obaveza, ragrađenja i kapitala Zeničko-dobojskog kantona i Komisiju za popis roba u skladištima Zeničko-dobojskog kantona,
- e) za naknadu predsjednicima i članovima popisnih komisija kod kantonalnih organa i uprava teretiti odgovarajući razdjel ministarstva/uprave/službe, ekonomski kod 613900 – Ugovorene i druge posebne usluge, a na osnovu rješenja ministara, odnosno direktora uprave ili službe.

## Član 7.

- (1) Komisije za popis stalnih sredstava u obliku stvari, prava i razgraničenja i zaliha materijala, robe i sitnog inventara, kod ministarstava, uprava i službi imenuje svojim rješenjem ministar, odnosno direktor uprave ili službe.
- (2) Komisije za popis stalnih sredstava u obliku stvari, prava i razgraničenja i zaliha materijala, robe i sitnog inventara kod budžetskih korisnika imenuje svojim rješenjem rukovodilac budžetskog korisnika.

## Član 8.

- (1) Nabavku potrebnog materijala za rad Centralne popisne komisije Zeničko-dobojskog kantona i popisnih komisija pod rednim brojem d), e), f), g) navedenih u članu 3. ove odluke izvršit će Služba za zajedničke poslove Zeničko-dobojskog kantona.
- (2) Knjigovodstvene popisne liste i potrebnu stručnu pomoć za rad komisija obezbjedit će Ministarstvo finansija.

## Član 9.

Ova odluka stupa na snagu danom donošenja, objavit će se u „Službenim novinama Zeničko-dobojskog kantona“.

Broj: 02-\_\_\_\_\_ /12.  
Datum, 07.12.2012. godine  
Zenica

**PREMIJER**

DOSTAVLJENO:

*mr.sci. Fikret Plevljak, dipl.ing.*

- 1x Svim ministarstvima,
- 1x Budžetskim korisnicima putem resornih ministarstava,
- 1x Predsjednik Centralne popisne komisije Zeničko-dobojskog kantona,
- 1x Predsjednici popisnih komisija pod rednim brojem a), b), c), d), e), f) člana 3. odluke,
- 1x Služba za zajedničke poslove,
- 1x „Službene novine Zeničko-dobojskog kantona“,
- 1x a/a.